



Sesida dals

Communitgà ils

Protocol nr.

24 da schaner 2023

25 da schaner 2023

48/2023

Dumonda Rodigari

concernent ils diploms per l'emprima scolaziun professiunala sin il stgalim
secundar II

Resposta da la Regenza

En il context naziunal pon la quota da diploms sin il stgalim secundar II en il Grischun sco er las purschidas da sustegn vegnir validadas sco positivas.

Tar la dumonda 1: Tenor l'Uffizi federal da statistica (stadi november 2022) importa la quota da diploms (quota netta mesauna 2019–2021) 92,8 pertschient sin il stgalim secundar II en il Grischun. En cumparegliaziun cun ils auters chantuns è il Grischun sin la posiziun sis da las quotas da diploms ed uschia per 2,6 pertschient sur la media svizra.

Tar la dumonda 2: Gea. Il Management da cas Furmaziun professiunala (MCFP) gida ils giuvenils cun in basegn da sustegn pli grond a tscherner ina professiun ed a chattar ina soluziun da cuntinuaziun a partir dal segund semester da la 2. classa superiura. Ils giuvenils che n'han – suenter avair bandunà la scola superiura, suenter avair frequentà ina soluziun transitorica, suenter avair interrut in emprendissadi u suenter betg avair dumagnà ina procedura da qualificaziun – nagina soluziun da cuntinuaziun, vegnan contactads dal MCFP. Els pon dumandar facultativamain e tenor agen basegn il sustegn dal MCFP. En l'evaluaziun statistica na vegni betg differenzià tranter las differentas gruppas da vegliadetgna (2. e 3. classa superiura, ulteriuras). Ils onns 2013 fin 2021 ha il MCFP sustegnì en media 172 giuvenils/persunas giuvnas creschidas per onn. Dapi l'onn 2018 è il dumber sa reduci da 200 per onn a 157 per l'onn 2021. L'onn 2021 han 76 persunas accompagnadas chattà ina soluziun da cuntinuaziun (scolaziun sin il stgalim secundar II: 40 persunas; soluziun intermediara [p.ex. soluziun transitorica, semester da motivaziun]: 23 persunas e surdada a la AI: 13 persunas). Ina part dals ulteriurs cas n'han ins betg pudì serrar giu en il decurs da l'onn. Els èn vegnids elavurads vinavant l'onn suandant. Intgins giuvenils / intginas persunas giuvnas creschidas han desistì da l'ulteriur accompagnament tras il MCFP. Areguard la relaziun tranter ils cas dal MCFP ed ils diploms che mancan sco er las

interrupziuns da las scolaziuns na pon ins betg far constataziuns raschunaivlas. Las soluziuns da cuntinuaziun dal MCFP na pon numnadamain betg vegnir cumparegliadas cun in diplom federal renconuschì.

Tar la dumonda 3: Il dumber dals giuvenils en soluziuns transitoricas è sa reduci cleramain ils ultims onns. Ils 15 da november 2017 (di da referenza) frequentavan 270 giuvenils ina soluziun transitorica. L'onn 2022 è quest dumber sa reduci per 43 pertschient a 153 giuvenils. Ina situaziun sumeglianta sa mussa tar il semester da motivaziun: Er qua è il dumber dals giuvenils che han cumenzà in semester da motivaziun sa reduci da 61 a 35 (43 %) entaifer la medema perioda. La quota da las soluziuns da cuntinuaziun d'ina purschida transitorica al stgalim secundar II importava ils ultims 5 onns en media 80 pertschient. En media vegn qua vitiers ina cumpart da 12 pertschient cun autras soluziuns da cuntinuaziun, sco p.ex. scola media, praticum. Tar il semester da motivaziun importa la quota da cuntinuaziun al stgalim secundar II en media 79 pertschient. Latiers vegn ina cumpart da 21 pertschient cun in'otra soluziun da cuntinuaziun. Questa calculaziun na resguarda betg ils giuvenils che han interrut anticipadamain il semester da motivaziun.

Tar la dumonda 4: Differentas recumandaziuns vegnan actualmain gia realisadas: Implementaziun da novas estructuras CII (collavuraziun interinstituziunala, rinforzament da la cooperaziun verticala tras l'integraziun instituziunalisada da las direcziuns da partiziun sco er tras la recepziun da l'Uffizi da migraziun e da dretg civil per il 1. da schaner 2023), soluziuns transitoricas d'integraziun, registraziun sistematica en cas da la mancanza da soluziuns transitoricas u en cas d'interrupziuns da scolaziun e.u.v. Dapi il 1. d'avust 2022 collavura il MCFP plinavant pli stretgamain cun la AI, quai tar la registraziun tempriva sistematica e tar l'accumpagnament da giuvenils e da persunas giuvinas creschidas (da 13 fin 25 onns) cun ina ristga d'invaliditad (resp. cun restricziuns da la sanadad u cun problematicas multiplas) e cun in basegn da sustegn pli grond per la midada I. Quai duai simplifitgar il pass en l'emprima scolaziun professiunala. Las purschidas vegnan communitgadas a chaschun d'occurrentas per persunas d'instrucziun e per persunas responsablas per l'educaziun.



En num da la Regenza

Il president:

Peter Peyer

Il chancelier:

Daniel Spadin